

medio coram omnibus manum ei imposuit benedicens, et in cathedra sua eum sedere compulit. Hoc ipsum antiphona demonstrat antiqua : *Sanctus Marialis ad prædicandum Gallis delegatus*, subauditur a Domino, quia Dominus ante deputaverat Galliam ad prædicandum, ad quam postmodum præcepit ire per jubentem, ino suadente et hortantem Petrum. In qua regione primum Lemovicensibus sermone et signis salutem pandere suscepit. Si enim hanc antiphonam ad alios verteris apostolos, recte constabit hoc modo : S. Petrus ad prædicandum Italiam delegatus, Romanis civibus jubentibus cæteris apostolis semina fidei eroganda suscepit. Sanctus Andreas ad prædicandum Achaiae delegatus apud urbem Patras, suadentibus aliis apostolis, prædicationem suscepit. Licet enim, ut liber Clementis ait, Barnabas primus Romanis exortus sit prædicare, tamen sine effectu et fructu reversus est Orientem. Et si calicem Aurelianensis ecclesiæ, quem, sancto Evurio episcopo

A celebrante missam, sicutur divina manus benedixisse, nemo postmodum mortalium præsumpsit benedicere, quomodo Martialem, quem Christus manibus suis beneditixit episcopum cum ceteris apostolis, ultra aliquis mortalium benedicere pontificem præsumperet? Et si benedictio patriarcharum tantam vim habet, ut dum barbas et coronas clericorum benedixerint hoc tantummodo dicentes : Benedicta sit barba vel corona tua, aliorum episcoporum benedictione non opus sit; multo magis benedictio ipsius Domini, qua elevatis manibus apostolis benedixit, tantam virtutem habuit ut altera consecratione ab aliquo mortalium ipsis alterius nullatenus opus esset. Ille vero respondit : « Ipsi principes sacerulares hoc vituperant. » Cui ego : « Non omnes, inquit, qui ipsum Christum aut apostolos ejus loquentes audierunt verbum Dei, receperunt. Et hoc tempore obsequium amicos, veritas odium parit. »

FRAGMENTUM SERMONIS ADEMARI

In concilio Lemovicensi habiti.

Apud Mabill., *Acta SS. ord. S. Bened. tom. VIII. p. 34, n. 3.*)

Perlongum est tot Patrum rata testimonia de ejus (id est sancti Marialis)... ad medium deducere. Unum tamen ex priscis auctoribus super hoc memorasse satis sit: illum certe nominatissimum Patrem (S. Abbonem), cui in pastorali regimine ille totius scientiæ vir gravisque auctoritatis successit archiepiscopus Bituricensis (Gauzinus), orthodoxe fidei defensorem, catholicæ pietatis cultorem, bene nostis, nisi non visu, sed auditu. Jam enim longe ante nos præcessit martyrio coronatus, sanguine fuso ab impiis passus; ad cuius sepulcrum jam clarere audivimus miracula, verorum testimonio comprobata; cuius martyrium etiam in pluribus Ecclesiis more sanctorum martyrum solemniter celebratur. In quo martyre tantum domicilium sapientia sibi collocaverat, ut sui temporis eruditu, quanquam innumeri florarent, præ omnibus tamen auctoritas ejus maxime duceretur, ita ut in tota Gallia et Germania atque Anglorum gente (nam illic quoque famosissimus habebatur) de quacunque ventilaretur quæstione, si quis audisse se diceret ab illo definitionem, nihil plus auctoritatis requireretur; judicabatur ab omnibus ratum esse quod ab ore tanti viri auditum esset:

C proposita discernebat, solus omnium magister panis verbis dubitationi finem dabat. Omnes, licet peccatorum peritissimi, ex ore ejus pendebant, eo præsente digitum ori superponebant. Ita magnus sapientia, præterquam quod septem columnis liberalium artium fulcitus erat, plenus auctoritatis et gratiæ, omni ecclesiæ ornamentum erat. Conventus episcoporum decorabat, omnia sua dicta auctoritate divinarum Scripturarum approbabat; et quidquid ex ore ejus procedebat, quasi quodammodo non humandum, sed divinum sonabat. Hic in suo quodam tractatu Marialis veritatem tacere non potuit, dicens : « Summus Pater iste Marialis in cena omnino sat mystica Christo conviva fuit, cœlestis panis sumens reliquias; cumque discipulorum collegia postea surgens tersit, latus ipse præbuit linteamina. Neque unquam refugit sacra contubernia, absque Thoiniorum ex timida caterva unus. Quin imo cum Christus peteret cœlestia, benefici meruit inter astantium agmina. Nec choros laudantium sprevit, sed cum eisdem sancti Spiritus tunc suscepit charismata et linguas multitudines: quibus subnixus, tandem Petro comite pervenit Antiochiam, ac deinceps